



**O**laus illustri familia apud Septentrionales Germanos prognatus, sua uirtute tandem effecit ut Noruegianorū rex crearetur, Anno Christi 1000. Is cum rex cognitione insignis esset ignarum legis populum & passim agresti more uiuentem legibus salubriter æditis, ad melioris uitæ habitum perduxit, quarū uetusta monumenta plebs Noruegica adhuc præsentis ueneratione completitur. Nec minus in Deum uenerabilis extitit, atque religionem in primis obseruauit. Cum is quandoque die Dominica cultello fustem secuisset, atque ab his quæ astarent solutę à se per ignorātiā religionis fuisset admonitus, continuo dexteram

suam, quæ errarat, igni admouit, ac mirum in modum eam exercuauit. A deo scrupuloso cultu leuia quoq; religionis momenta antiquitus obseruauit. Ab eodem quoq; pauperibus protectio, pupillis tutela, sacerdotibus ueneratio, & iniuria lacessitis subsidium dabatur. Hinc factum ut frequens huius regis mentio etiamnum apud eius regionis homines fiat. Sax. lib. 10.